

418. Asarca araucana Ph. A caule fere bipedali, crasso. usque ad medium foliato; foliis 8 poll. longis, $1\frac{1}{2}$ poll. latis; vaginis arcte appressis; spica 12—20-flora, floribus albis? bracteis acutis, ovarium aequantibus; sepalo superiore oblongo-linearari, $4\frac{1}{2}$ lin. longo, $1\frac{1}{2}$ lin. lato, plano, acuto; lateralibus basi ovatis, $3\frac{1}{2}$ lin. longis, 2 lin. latis, 5-nervibus, deinde in appendicem filiformem, $3\frac{1}{2}$ lin. longum terminatis; petalis $3\frac{1}{2}$ lin. longis, $1\frac{1}{2}$ lin. latis, ovato-oblongis, quadrinervibus, nervis baseos obscuris, incrassatis; labello 3 lin. longo, fere totidem lato, trilobo, lobis lateralibus ovatis, reflexis, venas incrassatas, obscuras gerentibus; lobo mediano elongato-triangulari, apice producto, obtuso, in centro appendicibus clavatis dense obtecto; gynostemio $1\frac{1}{2}$ lin. longo, obtuso.

Habitat in ditione Araucanorum.